


關
棧
行
號

125
2140
1



九三五
2149
1-4

乾隆甲寅冬鐫

雲棧紀程

敦彝堂藏板

雲棧紀程卷一

廣漢 張邦伸 雲谷編輯

雲棧為秦蜀咽喉山川嶮阻昔人比之上青天入石穴然勝蹟異聞所在多有水經注名勝志諸書均有紀述第其卷帙浩繁不便行笥 國初漁洋山人著蜀道驛程記及隴蜀餘聞等集士大夫往來是路者多取資焉余自秦返蜀爰就所聞彙而輯之以便異日之臥遊且使履其地者知為某山某水遇目騁懷可以忘登頓之苦至詩文有關地



雲棧紀程 卷一

志者亦間附採列爲小註其不知者從闕示慎也

自西安至武功

辛丑十月朔余東裝西歸自西安登程西安本禹貢雍州之域周武王克殷定都於鎬則雍爲王畿平王東遷雒邑以岐豐之地賜秦襄公至孝公作爲咸陽築冀闕徙都之故謂之秦川亦曰關中始皇置四十四郡以此爲內史秦滅項籍分秦地爲三國曰雍曰翟曰塞謂之三秦漢初屬塞國後改爲渭南尋罷復爲內史武帝立京兆馮翊扶風爲三輔自周秦漢晉西

魏後周隋唐並爲帝都梁曰永平晉曰晉昌宋曰永興元曰安西曰奉元明爲西安府 國朝因之附郭縣二曰長安曰咸寧舊城漢惠帝元年築六年成酈道元水經注秦離宮無城故城之蜀道驛程記長安舊城有二漢都城在今府西北二十里名北斗城直子午谷隋於漢故城東南據龍首川爲新都號大興城直石鼈谷唐因之宋呂汲公大防嘗刻長安圖今西安府治長安咸寧二縣何仲默以爲在隋唐宮城之間城十二門水經注東出北頭第一門曰宣平門

一曰東都門卽逢明挂冠處也第二門曰清明門一曰凱門又曰藉田門第三門曰霸城門又曰青門門外出好瓜昔廣陵人邵平爲秦東陵侯秦破爲布衣種瓜此門世謂之東陵瓜阮籍詠懷詩云昔聞東陵瓜今在青門外連畛拒阡陌子母相鈎帶卽此也南出東頭第一門曰覆盜門亦曰下杜門又曰端門北對長樂宮第二曰安門亦曰鼎路門北對武庫第三曰平門又曰便門一曰西安門北對未央宮西出南頭第一門曰章門王莽更名萬秋門亦曰光華門第

二門曰直門故龍樓門也第三曰雍門王莽更名章義門其水北入有函里民曰函里門北出西頭第一曰橫門其外郭有都門有棘門棘門秦時宮門也徐厲軍於此備匈奴第二門曰厨門又曰高門第三曰利門其外有客舍故民曰客舍門凡此諸門皆通達九達三途洞開隱以林木左出右入爲往來之徑行者升降有上下之別漢武帝爲太子元帝嘗急召之太子出龍樓門不敢絕馳道西至直門方得度上怪遲問其故以狀對上悅乃著令令太子得絕馳道也

廟記云長安市有九各方二百六十六步六市在道
西三市在道東張衡西京賦云郭開九市通闐帶闐
旗亭重立俯察百隧是也三輔舊事長安城中八街
九陌閭里一百六十有香室街夕陰街尚冠前街天
門街華陽街章臺街藁街及宜明建陽昌陰尚冠修
城黃棘北煥南平等里西京賦云參塗夸庭街衢相
經屢里端直甍宇齊平是也三輔黃圖秦離宮二百
復起阿房又云漢畿千里內外宮館一百四十五所
今考漢宮在長安城內外者十曰長樂宮曰未央宮

曰建章宮曰北宮曰明光宮曰太子宮曰長門宮曰
鉤弋宮曰儲元宮曰宣曲宮在上林苑者四曰昭臺
宮曰大臺宮曰扶荔宮曰蒲萄宮其餘自甘泉而外
皆在各郡縣三輔黃圖長樂宮本秦之興樂宮漢修
飾之有鴻臺有臨華温室信宮長秋永壽永寧等殿
高帝居此漢書元康四年神爵五采以萬數集長樂
宮五鳳三年鸞鳳集長樂宮東闕中樹上在長安中
近東直杜門未央宮高帝七年蕭何造因龍首山以
制前殿上見其壯麗之甚怒曰天下匈匈勞苦數歲

成敗未可知是何治宮室過度也何對曰天子以四海爲家非令壯麗無以重威且無令後世有以加也上悅至孝武以木蘭爲芬檠文杏爲梁柱金鋪玉戶華櫬璧璫雕楹玉碣重軒鏤檻青瑣丹墀左礮右平黃金爲壁帶間以和氏珍玉風至其聲玲瓏然也有宣室温室清涼在其北宣明廣明在其東昆德玉堂在其西蒼龍白虎朱雀元武以正四方又有麒麟殿金華殿掖庭宮椒房殿高門殿非常殿織室凌室暴室弄田內謁者署金馬門路輪廐建章宮武帝建有

駘蕩馭娑粉詣天梁奇寶鼓簧等宮又有玉堂神明堂疏圃鳴鑿奇華銅柱函德二十六殿漢郊祀志武帝作建章宮度爲千門萬戶前殿高于未央其東則鳳闕其西則商中數十里虎圈其北治大池漸臺名曰太液池中有蓬萊方丈瀛洲壺梁象海中神仙龜魚之屬其南有玉堂壁門大鳥之屬立神明臺井幹樓輦道相屬焉關輔記云桂宮在未央宮北有明光殿三秦記明光殿皆金玉珠璣爲簾箔處處懸明月珠金陛玉階晝夜光明水經注未央宮西池中有漸

臺漢兵起王莽死於此東有樛里子墓樛里子名疾
秦惠王異母弟也滑稽多智秦人號爲智囊葬於昭
王廟西渭南陰鄉樛里故俗謂之樛里子云我百歲
後是爲天子之宮夾我墓疾以昭王七年卒葬於渭
南章臺東至漢長樂宮在其東未央宮在其西武庫
直其墓秦人嘖曰力則任鄙智則樛里也鈎弋宮鈎
弋夫人所居也列仙傳曰鈎弋夫人姓趙氏河間人
少好酒病臥六年右手鈎卷飲食少望氣者云東北
有貴人推而得之召見姿色佳麗武帝及其手得玉

鈎而手展有寵生昭帝姪娠十四月上曰聞昔堯十
四月而生今鈎弋亦然乃命所生門曰堯母門所居
曰鈎弋宮自夫人加婕妤後得罪掖庭獄死及殯香
一月昭帝卽位追尊爲皇太后更葬之發六十二萬
人起雲陽陵其棺槨但有彩履王褒雲陽記曰鈎弋
夫人從至甘泉而卒尸香聞十餘里葬雲陽武帝思
之起通靈臺於甘泉宮有青鳥集臺上往來至宣帝
時乃不至其閣有石渠閣天祿閣麒麟閣白虎閣屬
車閣其苑囿有周靈囿漢上林苑甘泉苑御宿苑思

賢苑博望苑西郊苑三十六苑樂遊苑宜春下苑梨
 園其池沼則周靈沼鎬池漢昆明池滄波池太液池
 唐中池百子池十池飲飛外池秦酒池影蛾池琳池
 鶴池冰池其臺榭則周靈臺漢靈臺柏梁臺漸臺神
 明臺通天臺涼風臺魚池臺酒池臺著室臺鬪鷄臺
 走狗臺壇臺韓信射臺果臺東西山臺鈞弋臺通靈
 臺望鵠臺眺瞻臺桂臺商臺避風臺長楊榭鄂賓王
帝京篇
 云山河千里國城闕九重門不觀皇居壯安知天子
 尊皇居帝里嶺函谷鷄野龍山侯甸服五緯連影集
 星躔八水分流橫地軸秦地重關一百二漢家離宮
 三十六桂殿陰岑對玉樓椒房窈窕接金屋三條九

陌麗城隈萬戶千門平旦開夜道橫通鳩鵲觀交衢
 直指鳳凰臺劍履南宮入簪纓北闕來聲名冠寰宇
 文物象昭回鈞陳肅蘭芑璧沼浮槐市銅羽應風迴
 金莖承露起校文天祿閣習戰昆明水朱邸抗平基
 黃扉通戚里平臺戚里帶崇墉炊金饌玉待鳴鐘小
 堂綺帳三千戶大道青樓十二重寶蓋雕鞍金絡馬
 蘭窓繡柱玉盤龍繡柱璇題粉壁映鏤金鳴玉王侯
 盛王侯貴人多近臣朝遊北里暮南鄰陸賈分金將
 燕喜陳遵投轄正畱賓趙李經過密蕭朱交結親丹
 鳳朱城白日暮青牛紺憶紅塵度俠客珠彈垂楊道
 娼婦銀鈎採桑路姒家桃李自芳菲京華游俠事輕
 肥延年女弟雙鳳入羅敷使君千騎歸同心結縷帶
 連理織成衣春朝桂尊尊百味秋夜蘭燈燈元微翠
 幌珠簾不獨映清歌寶瑟自相依且論三萬六千日
 寧知四十九年非古來名利若浮雲人生倚伏信難
 分始見田竇相移奪俄聞衛霍有功勳未厭金陵氣
 先開石槨文朱門無復張公子灞亭誰畏李將軍相
 顧百齡皆有待居然萬化咸應改桂枝芳氣已銷亡

柏梁高晏今何在春去春來苦自馳爭名爭利徒爾
 為久雷即署終難遇空鎖相門誰見知當時一旦擅
 豪華自言千載長驕奢倏忽搏風生羽翼須臾失浪
 委泥沙黃雀徒巢柱青門遂種瓜黃金銷鑠素絲變
 一貴一賤交情見紅顏宿昔白頭新脫粟布衣輕故
 人故人湮淪新知無意氣灰死韓安國羅傷翟廷
 尉已矣哉歸去來馬卿辭蜀多文藻楊雄仕漢乏良
 媒三冬自矜誠足用十年不調幾遭迴汲黯薪逾積
 孫卯閣未開誰惜長其名勝則韋曲杜曲灞橋樊川
 沙傅獨負洛陽才宮人斜云幾多紅粉委黃泥野鳥如
 宮人斜歌又似啼應有春魂化為燕年年飛入未央
 栖孟遲宮人斜云雲際煙愁苑路斜路傍邱冢皇子
 盡宮娃茂陵不是同歸處空寄香魂著野花
 破杜陵原鴻固原神禾原樂游原杏花坪古龍堂高
 冠潭香積寺王維過香積寺云不知香積寺數里入
 雲峯古木無人逕深山何處鐘泉聲咽

危石日色冷青松薄暮空潭曲安禪制毒龍 薦福寺其他舊蹟不可勝紀

紀其最著者鎬池在城西昆明池上即鎬水之源也
 春秋後傳使者鄭容入栢谷關至平舒置見華山有
 素車白馬問鄭容安之答曰之咸陽車上人曰吾華
 山君使願託書致鎬池君子之咸陽過鎬池見大梓
 下有文石取以欸梓當有應者以書與之勿妄發致
 之得所欲鄭容行至鎬池見一梓下果有文石取以
 欸梓應曰諾鄭容如睡覺而見宮闕若王者之居焉
 謁者出受書入有頃聞語聲言祖龍死昆明池漢武

帝鑿武帝以昆明子居滇海中故習水戰以伐之史
 記平準書大修昆明池列觀環之治樓船高十餘丈
 旗幟加其上甚壯西京雜記昆明池刻玉為魚每至
 雷雨魚常鳴吼鬣尾皆動又作二石人東西相對以
 象牽牛織女温庭筠昆明池水戰詞汪汪積水光連
空重疊細紋晴漾紅赤帝龍孫鱗甲怒
 臨流一盼生陰風鼙鼓三聲報天子雕旌獸艦凌波
 起雷吼濤驚白若山石鯨眼裂蟠蛟死溟池海浦俱
 喧塵埃茂陵仙去菱花老啞啞遊魚近烟島渺莽殘
 陽鈞艇歸綠頭東有曲江池亦漢武帝鑿曲折似嘉
陵江隋文帝以曲名不正詔改為芙蓉園康駢劇談

錄曲江開元中疏鑿為勝境其南有紫雲樓芙蓉苑

其西有杏園慈恩寺花卉環周烟水明媚都人遊賞

盛于中和上巳之節杜甫曲江值雨云城上春雲覆
苑墻江亭晚色靜年芳林花着

雨燕脂濕水荇牽風翠帶長龍武新軍深駐輦芙蓉

別殿謾焚香何時詔此金錢會暫醉佳人錦瑟傍又

曲江對酒云苑外江頭坐不歸水精春殿轉霏微桃

花細逐楊花落黃鳥時兼白鳥飛縱飲久拚人共棄

滄洲遠老大徒悲未拂衣洛中紀異僖宗幸南內

興慶池方食餅餒時進士在曲江有聞喜晏上命依

人數各賜紅綾餅餒西京雜記京城東慈恩寺西院

浮圖六級高三百尺沙門元裝所立國史補唐進士

自神龍以來杏園晏後皆於慈恩寺塔題名杜甫同

慈恩寺塔云高標跨蒼天烈風無時休自非曠士懷

登茲翻百憂方知象教力足可追冥搜仰穿龍蛇窟

始出枝撐幽七星在北戶河漢聲西流羲和鞭白日

少昊行清秋秦山忽破碎涇渭不可求俯視但一氣

焉能辨皇州回首叫虞舜蒼梧雲正愁惜哉瑤池飲

日晏崑崙邱黃鵠去不息哀鳴何所投君看隨陽雁

各有稻梁謀高適云香界泯羣有浮圖豈諸相登臨

駭孤高披拂吹大壯言是羽翼生迴出虛空上頓疑

身世別乃覺形神王宮闕皆戶前山河盡簷向秋風

昨夜至秦塞多清曠千里何蒼蒼五陵鬱相望盛時

慙阮步末宦知周防輪效獨無因斯焉可遊放岑參

與高適薛據登慈恩寺浮圖云塔勢如湧出孤高聳

天宮登臨出世界磴道盤虛空突兀壓神州崢嶸如

鬼工四角礙白日七層摩蒼穹下窺指高鳥俯聽聞

驚風連山若波濤奔湊似朝東青槐夾馳道宮館何

玲瓏秋色從西來蒼然滿關中五陵北原上萬古青

濛濛淨理了可悟勝因風所碑洞在府學暨歷代石

宗誓將挂冠去覺道資無窮

刻方輿新抄宋向拱鎮長安摹搨三千餘本民以為

害往往鑿削其字韓縝修霸橋督工甚急民磨碑石

供之由是不全宋中興四朝地理志潘岳以為秦在

隴函二關之間是為關中然函關固秦所立而鳳州

之散關隴西之隴關商州之武關原州之蕭關藍田

之曉關其名皆已先秦而出秦又自命其國以關中

則凡地在四關之內者皆當繫關以為之名也文公

朱熹曰前代所以都關中者以黃河左右旋繞所謂

臨不測之淵也近東獨有函谷關一路通山東故可據以爲險又關中之山皆自西而東若橫山之險乃山之極高處本朝則自橫山以北盡爲西夏所有據高以臨我是以不可都也文獻通考先儒謂宋北不得燕薊則河北不可都西不得靈夏則長安不可都此專以形勢言也然愚嘗論之漢唐都於長安西北皆鄰強胡漢之初興也河西五郡皆匈奴之地去長安密邇故胡騎入寇則烽火通于甘泉唐之初興也突厥雄據西北故入寇卽犯渭橋高祖至欲徙都以

避之可謂逼矣然孝武用兵取河西奪其美地薦草以置郡縣議者謂斷匈奴之右臂而虜遂衰至宣元間卒稱臣請命太宗平突厥俘高昌置安西北庭二府至肅宗時西北二胡反能以兵取討安史復兩京然則漢唐之於外夸也或取其地以爲我有或役其兵以爲我用則密邇寇敵之地豈果不可都哉蓋宋之兵力劣於前代遠甚故景德時澶淵小警而議者遽謀幸蜀幸江南以避之靖康後金人南牧一鼓傳汴再駕陷京城不一二年間踰河越淮跨江躡浙歷

數千里如入無人之地雖有金湯之險幅員之廣而望風奔北大駕航海幾不知稅駕之所失在兵弱非關於地之不廣且險也假令承平時盡得幽薊靈夏之地而兵勢不振如此亦豈能救中天之禍哉西行五里至勝金鋪十里至亭子鋪長安送客處也又五里至三橋史記索隱渭橋有三一在城西北咸陽路曰西渭橋一在東北高陵邑曰東渭橋其中渭橋在古城北卽今三橋也漢武帝祀甘泉過此有女子浴於渭乳長七尺怪而問之女曰第七車侍中知我時

見寬在第七車問之對曰此女人星也齋戒不潔則見李商隱詩云誰言整雙屐便是隔三橋今橋圯僅存其名又西二十里度豐水詩豐水東注維禹之績水經注豐水出豐溪西北流昆明池水注之又北逕靈臺西又北至石墩注於渭都邑考文王遷豐今西安府長安縣西北靈臺鄉豐水上武王都鎬今長安縣西北十八里昆明池北鎬陂是又三里渡渭橋卽西渭橋也水經注秦始皇作離宮於渭水南北以象天宮故三輔黃圖曰渭水貫都以象天漢橫橋南北

以法牽牛

王士正渭橋懷古秦川夕澄霽灃水明如練西上中渭橋颯然秋氣變羸政昔構造

作此象天漢美人與鐘鼓流連恣荒晏徐市期不來

山鬼壁已獻我昨驪山行徘徊弔中羨荆榛蔽銀海

樵牧羅金雁麒麟折其股冷落青梧觀後代復橋之

何王繡嶺明珠殿惟有終南山興亡幾回見

南北有隄激立石柱故謂之石柱橋舊有村留神象

此神嘗與魯班語班合其人出村留曰我貌獐醜卿

善圖物容我不能出班於是拱手與言曰出頭見我

村留乃出首班于是以脚畫地村留覺之便還沒水

故置其象於水唯背以上立水上後董卓入關焚此

橋魏武帝更修之橋廣三丈六尺村留之像曹公乘

馬見之驚又命下之燕太子丹質於秦秦王遇之無

禮乃求歸秦王為機發之橋欲以陷丹丹過之橋不

為發北逕咸陽城咸陽本周王季所都後畢公封焉

縣東十五里有故咸陽則秦所都也漢高帝更名新

城武帝元鼎三年別為渭城王莽改為京城晉石勒

置石安縣三輔黃圖秦孝公十二年作咸陽築冀闕

徙都之始皇二十六年徙天下高貴富豪於咸陽十

二萬戶諸廟及臺苑皆在渭南秦每破諸侯撤其宮

室作之咸陽北坂上南臨渭自雍門以東至涇渭殿

屋複道周閣相履所得諸侯美人鐘鼓以充之二十七年作信宮渭南已而更命信宮為極廟象天極自極廟道通驪山作甘泉前殿築甬道自咸陽屬之始皇窮極奢侈築咸陽宮因北陵營殿端門四達以制紫宮象帝居北至九嶼甘泉南至鄠杜東至河西至汧渭之交東西八百里南北四百里離宮別館相望聯屬木衣綈綉土被朱紫宮人不移樂不改懸窮年忘歸猶不能徧惠文王造阿房宮未成而亡始皇廣其宮規恢三百餘里彌山跨谷閣道通驪山作阿房

前殿東西五十步南北五十丈上可坐萬人下建五丈旗以木蘭為梁以磁石為門周馳為複道度渭屬之咸陽以象太極閣道抵管室也阿房宮未成隱宮徒刑者七十餘萬人收天下兵聚之咸陽銷以為鐘鑠高三丈鐘小者皆千石也銷鋒鏑以為金人十二以弱天下之人立於宮門項羽入關燒宮闕三月火不滅至董卓悉椎破銅人銅臺以為小錢李商隱咸陽云咸陽宮闕燹嵯峨六國樓臺艷綺羅白是當時天帝醉不關秦地有山河王土正咸陽早發云日照長陵小市東依然踪跡逐飛蓬未央宮闕悲歌裏鄠杜鶯花淚眼中已見銅人辭漢月空留石馬臥秋風多情最有

咸陽草和雨和煙歲歲同巖巖惇咸陽懷古六王畢
後霸圖空三百離宮一炬中入水淒清秋色早九變
巖巖夕陽紅車迴博浪沙中客舟引逢萊海
上風自料灤山萬年計豈知遺恨在樵童 境內帝

王將相陵墓最多文武成康周公太公皆葬城北畢

郢原上漢長陵安陵平陵涇陵亦在焉高冢纍纍絡

繹相望有棘門杜郵亭白起賜死處有陳濤斜一名

陳陶澤至德元年十月房琯與安守忠戰敗績於此

杜詩所謂孟冬十郡良家子血作陳濤澤中水者也

關中八水灞澹涇渭灃瀆滂澇咸陽有其四曰涇渭

曰灃滂灃滂皆出終南山中北流入渭獨涇水出筭

頭山流經咸陽北畢郢原水經注云渭水又逕平阿

侯王譚墓前涇水注之瀉瀉灞澹亦出終南在長安

咸寧二縣界入渭渭納七水至華陰入河故入河止

稱渭汭也西行經馬跑泉秦蜀後記馬跑泉深碧可

飲許惜在周行無竹樹亭榭之觀宋魏馬跑泉云磬折秦亭路停車有

勝游出逢秋雨霽生愛石泉流晃柳迷深岸荒蒲接遠疇吾將勸疏鑿乘月鼓漁舟經漢武帝

茂陵李夫人冢在西陵北數步謂之英陵漢諸陵皆

在咸陽惟茂陵在槐里不載祀典武帝雄猜使鈞弋

無罪不得其死獨惓惓於李氏作為詩歌播為樂府

死猶耐葬女寵亦有幸不幸焉

李商隱茂陵云漢家天馬出蒲梢苜蓿桃

花逼近郊內苑只知含鳳嘴屬車無復掉鷄翹玉桃

偷得憐方朔金屋修成貯阿嬌誰料蘓卿老歸國茂

陵松栢雨瀟瀟王士正云武帝乘龍久上昇集雲臺

古幾人登晴川淼淼通槐里秋草萋萋入茂陵天馬

歌成愁出塞泉鳩事去涕沾膺誰知一代孫宏閣惟

有東方諫獵能吳騏云茂陵枯栢自嶺吮露重珠襦

馬上寒獨與銅人相對哭三更殘月下金盤吳省欽

云鼎湖龍馭冢衣冠一詔輪臺肉竟寒悽望茂陵風

雨夜魚燈深影照嫋嫋馬祖常李夫人云未央天子

香熏骨夫人不貯黃金屋水銅無光灑秋日雷得當

年舊蛾綠瑤臺夜佩聲闌珊沈雲叫雁沙泉寒二十

五絃彈鳳凰玉釵小燕飛春山王士正李夫人冢云

長門賣賦草萋萋冤魄雲陽杜宇啼抵興平縣縣周

惟有佳人解傾國茂陵西

太邱地秦更名廢邱漢置槐里武帝析置茂陵縣昭

帝析置平陵縣三國魏改始平縣唐改金城縣至德

初置興平軍尋改為縣昔項羽入秦封章邯為雍王

都廢邱漢祖北定三秦引渭水灌城遂滅章邯其滅

遞帶防陸舊渠尚存卽漢書所謂槐里環隄者也隴

蜀餘聞萬歷四十三年土人於地中得一金印龜紐

方寸許文曰雍王章邯印

初二日西行二十五里次馬嵬驛北卽馬嵬坡楊貴

妃傳安祿山反帝西幸至馬嵬陳元禮等以天下計

誅楊國忠國忠已死軍不解帝遣力士問故曰禍本

雲林新稿
尚存帝不得已與妃引訣而去縊路祠下裹尸以紫
茵瘞道側白居易長恨歌所出作也樂史太真外傳
妃縊死於佛堂前梨樹下瘞西郊外一里許道北坎
下蜀道驛程記馬嵬坡太真葬處在始平原荒落殊
甚相傳出白土名貴妃粉唐降金城公主於吐蕃駐
此更號金城李商隱馬嵬云海外徒聞更九州他生
未卜此生休空聞虎旅傳宵柝無復雜
人報曉籌此日六軍同駐馬當時七夕笑牽牛如何
四紀為天子不及盧家有莫愁李遠云金甲銀旂盡
已回蒼茫羅袖隔風埃濃香猶是隨鸞輅恨魄無由
離馬嵬南內真人悲帳殿東漢方士問蓬萊雅留坡
畔營環月時送殘輝入夜臺鄭畋云肅宗回馬楊妃
死雲雨雖亡日月新終是聖明天子事景陽宮井又

何人宋熒元云六龍回轡此重過遺恨孤墳掩鞦韆羅
南內蕭蕭風雨夜凄涼應比壽王多王士正云何處
長生殿裡秋無情清渭自東流香魂不及黃龍綽綽
占驪山土一邱巴山夜雨卻歸秦金粟堆邊草不春
一種傾城好顏色茂陵終傍李夫人董新策云郎當
車駕此蒙塵師律天威總莫伸扈蹕六軍成底用祇
教白土葬佳人長恨歌成衰語彰宮中閭市紀連昌
詩人元白唐臣子國惡何為極暴揚袁枚云莫唱當
年長恨歌人間亦自有銀河石壕又十五里至扶風
村裏夫妻別淚比長生殿上多
鎮右扶風地也俗謂之東扶風舊置長寧驛明成化
中移置清水石嘴二十里至釐亭水經注釐縣故城
舊郿城也后稷之封邑詩所謂卽有郿家室也城西
南百步有后稷祠郿之釐亭也王少林之為郿縣也

路逕此亭亭長曰亭凶殺人少林曰仁勝凶邪何鬼
敢忤遂宿夜中聞女子稱寃之聲少林曰可前來理
女子曰無衣不敢進少林投衣與之女子前訴曰妾
夫爲涪令之官過宿此亭爲亭長所殺少林曰當爲
理寢寃無復害良善也因解衣於地忽然不見明訊
亭長遂服其罪亭遂清安康海武功志釐亭在縣東
二十五里唐天后武氏行宮世說中宗築以望乾陵
者二十五里抵武功縣宿武功古有釐氏之國也有
釐氏有女曰姜源爲帝嚳元妃生棄教民稼穡有功

堯封於釐號曰后稷后稷卒子不窋嗣不窋因夏政
衰去稷不務奔於戎狄周興以岐豐爲王畿平王東
遷以畿內地賜秦釐遂爲秦邑始皇以釐爲滎漢改
武功縣隸右扶風去古釐地二十里王莽曰新光魏
置武功郡後周復改爲縣宋隸永興軍金改武亭縣
元復爲武功城南有太白山地理志曰縣有太乙山

古文以爲終南杜預以爲中南

王維終南山云太乙近天都南山到海隅

白雲迴望合青靄入看無分野中峯變陰晴衆壑殊
欲投人處宿隔水問樵夫何景明終南篇離宮別館
舊京華表裏關河屬漢家二閣
天圍青錦帳五臺雲湧石蓮花亦曰太白山在武功

縣南去長安二百里不知其高幾何俗云武功太白
 去天三百山下軍行不得鼓角鼓角則疾風雨至杜
 彥達曰太白山南連武功山最為秀傑冬夏積雪望
 之皓然李重華望太白云太白羣山外茗茗淡莫分
 遙知千歲雪正雜萬峰雲鳥道踪應絕龍湫
 乳若聞帝臺三百里香氣按氤氳董新策武功道上
 望太白山云周原烟樹曉氤氳太白山高切蔚藍六
 月雪光寒棧北半天雲氣濕關南太初去後餘荒徑
 逋客何年此駐驂空向九峯西面過烏絲收不盡晴
 嵐十六國春秋劉曜光初四年五月終南山崩長安
 人劉終於崩所得白玉方一尺有文字曰皇亡皇亡
 敗趙昌井水竭構五梁罅酉小衰困囂喪嗚乎嗚乎

赤牛奮鞞其盡乎羣臣咸賀以為石勒滅之徵也曜
 大悅齋七日而後受之蜀道驛程記武功縣岡阜四
 遠城倚雍原城東有漆水山海經曰踰次之山漆水
 出焉北流注于渭水經注又謂之武功水也地理志
 云太乙山古文以為終南垂山古文以為敦物皆在
 縣東今太乙屬盩厔太白武功二山屬郿雍大記云
 古武功在渭水南今郿縣地則今之武功乃漢書之
 釐也記又云永平八年復自渭水南徙武功縣於故
 釐城然地理志郿釐武功并隸右扶風亦所未詳武

功志高泉宮在縣西南原八里古美陽城內秦宣太

后宮也城南有慈聖寺唐慶善宮即太宗所生之地

貞觀六年幸之宴從臣賞賜閭里同漢沛宛帝歡甚

賦詩起居郎呂才被之管絃為功成慶善名九功之

舞詩壽邱惟舊跡鄩邑乃前基粵子承累聖懸弧亦

萬國夷梯山咸入欵駕海亦來思單于陪武帳日逐

衛文槐端展朝四岳無為任百司霜節明秋景輕冰

賦冬狩詩厚烈烈寒風起慘慘飛雲淨霜濃凝廣隰永

四望合置羅一畫求楚踏爭兒殪秦亡角鹿愁獸忙

投密樹鴻驚起藥洲騎歛原塵靜戈迴嶺自收心非

洛汭逸意在渭濱游禽又重過武功舊宅賦詩二篇

荒非所樂撫轡更招憂鳴笳蜀荒一徑斷苔古半階斜

新池消舊水昔樹發今花一朝辭此地四海遂為家

又金輿巡白水玉輦駐新豐朝辭此地四海遂為家

叢葉鋪荒草蔓流竭半池空朝辭此地四海遂為家

綽昔他一番內今宅九圍中朝辭此地四海遂為家

官儀應制和焉姜嫄墓在上南門外墓西南原有廟

旁為后稷祠吳省欽姜嫄廟云元氣涵縈國靈居冠

從醫生民特造周朝堂三十世原廟幾千秋漆水簷

前邇岐山仗外浮上陵王迹迴封邑母家優論德關

雎啓為祥降胤侔平疇多菽麥隘卷下羊牛簫鼓武

功蘓氏代有名入項背相望漢蘓武字子卿天漢初

以中郎將使匈奴被雷噉雪餐羶徙海牧羝節旄盡
落十九年而還拜典屬國宣帝立賜爵關內侯圖形

麟閣李白蘓武云蘓武在匈奴十年持漢節白鴈上

飲月窟水飢餐天上雪東還沙漠遠北槍河梁別泣

把李陵衣相看淚成血溫庭筠蘓武廟云蘓武魂銷

漢使前古祠高樹兩茫茫雲邊雁斷胡天月隴上羊

歸塞草烟回日樓臺非甲帳去時冠劍是丁年茂陵

不見封侯印空向秋波哭逝川葉承宗蘓武云去時

節後新歸來節綫稿還節茂陵下淚濕陵邊草別君

十九年君亡臣亦老心後漢蘓不韋字公先年十八

憶河梁詩羞向廷臣道徵詣公車父謙為李嵩所殺乃變姓名募劍客刺嵩

不克復鑿地達嵩寢欲刺嵩值嵩在側止殺其妾及

子遂以其子首祭父後周蘓綽字令綽好學不倦博

覽羣書尤善算術官至度支尚書隋蘓夔字伯尼僕

射威之子為太子通事舍人楊素奇之素每戲之曰

楊素無兒蘓夔無父夔曾孫瓌字昌容官太子少傅

立朝剛正卒配享睿宗廟庭唐蘓頌字廷碩幼穎悟

一覽千言能覆誦官右丞相諡文憲文章與張說齊

名時號燕許大手筆苻秦時道質第三女蕙嫁扶風

竇滔滔鎮襄陽蕙織錦為迴文詩寄之首尾七千九

百五十八首自云徘徊宛轉自成文章非我佳人莫

雲從已星 卷一 三

之能解唐則天后宋閻秀朱淑真并記其事黃山谷
 詩千詩織就迴文錦如此陽臺暮雨何只有英靈蘓
 蕙子更無悔過竇連波明正德間康德涵罷官居泚
 東與鄂杜王敬夫競為樂府至今海內艷稱之康故
 居在渭河之西故又稱泚西云王士正武功懷古云
 唐家慈聖寺后樓有
郃封二水流沮漆千秋擬沛豐高原山色
 裏小邑夕陽中樂府康王好何時訪泚東武功志姚
 合硤石人唐元和中進士及第調武功尉善詩號姚
 武功有縣居詩三十首刻石署中皆自道其居官恬
 退之懷無關地志故不錄

雲棧紀程卷二

廣漢 張邦伸 雲谷編輯

自武功至寶鷄

初三日由武功西行三十里至杏林鋪高岸深谷屢
 有登頓卽三時原也三時者好時密時鄰時也又三
 十里次扶風縣隸鳳翔府本岐周故地漢三輔之
 一漢右扶風領縣二十餘此其一隅耳後周于此置
 燕州唐初析置漳川縣後改扶風縣王士正扶風道
 中云北望回龍
薄西行過馬嵬俠游無柳市史筆闕蘭臺老鬢城東
 愁中改秋風隴上催田園情話好何事不歸來

門外漳水一名圍川水與鳳泉水合至武功縣南入
漆水注于渭蜀道驛程記謂扶風東門外漆漳二水
合流誤矣城西有伏波村卽馬援故居援字文淵少
有大志兄太守况謂之曰汝大器當晚成嘗曰丈夫
立志窮當益堅老當益壯建武中拜伏波將軍擊交
趾奏捷而還嘗謂官屬曰吾從弟少游常哀我多大
志曰士生一世但取衣食裁足乘下澤車御欵段馬
爲郡椽吏守墳墓鄉里稱善人足矣當吾在浪泊西
里間下潦上霧毒氣薰蒸仰視飛鳶跼跼墮水臥念

少游平生時語何可得也後五溪蠻反援年八十餘
自請行據鞍顧盼以示可用上笑曰矍鑠哉是翁後
封新息侯又有班家耄漢班彪字叔皮沉重好古初
事實融勸融歸漢光武初舉茂才授徐令所著王命
論及賦論奏事凡九篇家有賜書好古之士如揚子
雲輩莫不造門長子固字孟堅九歲能文長而博洽
作兩都賦續成父前漢書明帝朝數侍讀禁中自以
二世才術位不過郎作賓戲獻上遷元武司馬後被
洛令种兢撫竇憲事繫獄死次子超字仲升家貧傭

書養母投筆而嘆曰大丈夫無他志畧猶當倣傅介子張騫立功異域以取封侯安能久事筆硯乎有相者見之曰虎頸燕頤飛而食肉萬里封侯相也明帝朝竇固命使鄯善有功復以司馬使于滇西域諸國皆遣子入侍以將兵長使遷都護封定遠侯彪女昭字惠姬適曹世叔夫亡和帝召入宮合皇后貴人皆師事之作女誡七章續成其兄固漢書號大家超子勇有父風匈奴殺漢使和帝太后召勇問策勇請復置都護通西域以拒北番詔從其議城北有織錦巷

卽若蘭織錦處又東南有絳帳村本馬季長傳經處馬融傳融字季長扶風茂陵人才高博洽諸生千數常坐高堂施絳帳前授生徒後列女樂弟子以次相傳鮮有入其室者秦蜀後記扶風城南瀕漳水水南飛鳳山上有天和寺東坡先生詩所謂遠望若可愛朱闌碧瓦溝聊爲一駐足且慰百迴頭是也蘇軾扶風天和寺云遠望若可愛朱闌碧瓦溝聊爲一駐足且慰百迴頭水落見山石塵高昏市樓臨風莫長嘯遺響浩收難騎而渡河拾級上徑頗險仄寺廢嘉靖中移馬伏波祠于寺址稍北爲三斑祠又北爲文昌祠棟宇傾

圯簷下有仆碑拂拭視之卽坡詩也自署癸卯九月
 十六日挈家來遊後有跋云天和寺在扶風之南山
 東坡蘓公留詩于壁迄今二十年矣予承乏斯邑暇
 日與絳臺田愿子立洛陽趙印勝翁同觀愛其真墨
 之妙慮久而漫滅乃就撫于石元豐癸亥六月二十
 三日終南陳雄武仲碑石堅縵首尾完好亟語孔令
 元祚移植伏波祠王士正馬伏波祠云冥冥炎海伏
波祠肅肅靈旗故國思萬里功名
銅馬式五溪淫潦踏鸞時曉驚詎識眞王異朱勃
終慙地下知空憶平生少游語歸來歎段悔勢遲山
 上故有遠愛亭取坡詩爲名陳文岡棊易名愛蘓今

亦廢縣北二十里漢美陽縣故城有法門寺唐元和
 十四年迎佛骨于此土人建祠祀韓文公又三十里
 過馬伏波墓張行懿馬伏波墓云漆水東流繞墓田
伏波遺隧幾千年西風但見吹殘鬣南
海猶聞畏踏鸞豈有明珠來戚里空留銅柱
在炎天功成未得雲臺畫回首荒墟一惘然至義店
 鎮北有五將山苻堅爲姚萇所困處按晉史苻分氏
 戶于諸鎮趙整侍援琴而歌曰阿得脂阿得脂博勞
 舊父是仇綏尾長翼短不能飛遠徙種人留鮮卑一
 且緩急語阿誰堅笑而不納及其將敗也每夜有人
 周城大呼曰楊定健兒應屬我宮殿臺觀應坐我父

子同出不共汝旦尋不見人跡城中有書曰古苻傳
 賈錄載帝出五將久長得先是又謠曰堅入五將山
 長得堅至是為姚萇所執又二十里至馬洞溝有路
 通涇陽至渭南合驛站十里至龍尾溝溝水名鄧公
 泉水經注水出鄧艾祠北故名溝北為龍尾坡唐鳳
 翔節度使鄭畋破黃巢於此十里至硯瓦溝溝水名
 東水因土人于此製硯又謂之硯瓦溝十里至岐山
 縣王世貞岐山操云哀哀我民愚聖狎主余之弗鹿
 忍以貽虜率西水濟至于岐下伐材中林陶瓦聖
 立民未休舍余敢寧處顧視周原
 厥田膺膺是藪是藪以待來者本岐周故城宇文

氏割涇州鶉觚縣地置三龍縣隋更今名岐山梁山
 三龍山皆在東北城負其陽山下有周公廟亦曰周
 邸與太公召公合祭水經注雍水又東南流與杜水
 合水出杜陽山其水南流謂之杜陽川東南流左會
 漆水徐廣曰漆水出杜陽之岐山是也漆水南流大
 樂水注之即岐水也
 初四日由岐山西行五里渡左陽水水經注左陽水
 世名西水北出左陽谿南流逕岐州城西魏置岐州
 刺史治左陽水南流注於雍雍水又與東水合俗名

也北出河桃谷南流右會南源世謂之返眼泉亂流
南逕岐州城東而南合雍水州居二水之中南則兩
川之交會也渡水而南川原瀾漫間有土坡高不盈
丈卽古周原也禹貢錐指漢志美陽縣下云禹貢岐
山在西北中水鄉周太王所邑詩曰率西水滸至于
岐下又曰彼徂矣岐有夸之行是也水經注岐水逕
周城南在岐山之陽而近西所謂周岐之陽也非直
因山致名亦指水所稱矣又歷周原下北則中水鄉
成周聚故曰有周也水北卽岐山矣今按岐山一名

天柱山其峯高峻狀若柱然國語周之興也鸞鷲鳴
于岐山故俗呼爲鳳凰堆山之南周原在焉詩所稱
周原膺膺者也又西南行三十五里至第五村茅店
數椽不堪停憩十里至油坊村卽北原故址也水經
注渭水又東逕積石原卽北原也青龍二年諸葛亮
出斜谷司馬懿屯渭南雍州刺史郭淮策亮必爭北
原而屯遂先屯之亮至果不得上南屯五丈原蜀鑑
五丈原在武功故縣今在鳳翔府郿縣溫庭筠過五丈原云鐵馬
雲雕久絕塵柳營高壓漢營春天晴殺氣屯關右夜
半妖星照渭濱下國臥龍空悟主中原得鹿不由人

象林錦帳無言語從此譙周是老臣郝居中題五丈
原武侯廟云籌筆無功事可哀長星飛墜蜀山摧三
分豈是平生志十倍寧論蓋世才壞壁丹青仍白羽
斷碑文字只蒼苔夜深老木風聲惡尚想褒斜萬馬
來李東陽五丈原云五丈原頭動地鼓魏人畏蜀如
畏虎營門不開呼者怒揮戈指天多舊伍羽為前
驅飛後拒忠魂不逐降王車長衛英孫朝烈祖何景
明登五丈原謁武侯廟云風日高原暮松杉古廟陰
三分扶漢業萬里出師心星落營空在雲橫障已沉
千秋一瞻眺積石原在渭水北又西行十里渡汧水
源出汧縣小隴山水經注汧水出弦蒲藪逕汧縣故
城北史記秦文公東獵汧田是也又東逕吳山古之
汧山也又東南逕隄故城逕郁夸縣又東流入于

渭水出五色魚因名龍魚水亦謂之魚龍川杜詩水

落魚龍夜山空鳥鼠秋指此西行循渭水北崖而上

渭水南有磻溪水注于渭水出南山茲谷乘高激流

注于谿中谿中有泉謂之茲泉呂氏春秋太公釣于

茲泉遇文王水經注太公釣茲泉今人謂之几谷石

壁深高幽篁邃密林障秀阻人跡罕交東南隅有石

室蓋太公所居也水流次平石釣處即太公垂釣之

所也其投竿踞餌兩膝遺跡猶存蘇軾磻溪石云墨

嘗煖安知渭上叟跪石留雙鬣一朝嬰世故辛若平

多難亦欲就安眠旅人譏客懶劉基太公釣渭圖云

璇室羣酣夜璜溪獨釣時浮雲看富貴流水淡鬚眉
 偶應非熊兆尊為帝者師軒裳如固有千載起人思
 何景明礮溪云丈人昔未遇垂釣此溪中不感風雲
 會誰知八十翁晚楓漁浦暗春草獵原空獨令千載
 下懷古 十里至底店漢郁夸縣治也水經注渭水東
 意無窮 逕郁夸縣故城南東觀漢書曰隗囂圍來歙于畧陽
 世祖詔曰桃花水出船檠皆至郁夸陳倉分部而進
 者也又二十五里渡陳倉水水出陳倉山下東流入
 于渭又五里至寶鷄縣本岐周地秦為陳倉縣晉末
 廢苻堅于縣界置苑川縣周改顯川唐更今名漢初
 韓信勸王東出陳倉還定三秦王從之遂敗雍王章

部兵于陳倉卽此

燕輒寶鷄縣斯飛閣云西南歸路遠蕭條倚檻魂飛不可招野闊牛

羊同雁鶩天長草樹接雲霄昏昏水氣浮山麓汎汎
 春風弄黍苗誰使愛官輕去國此身無計老漁樵王
 士正寶鷄道中云時序颯已變征蓬何處休遠天吳
 岳影斜日渭川流尖棧餘高鳥礮溪有釣釣龍鍾三
 十九白盡 寰宇記陳倉有二城相連上城秦文公築
 老夫頭 城內有羽陽宮下城郝昭築水經注魏明帝遣將軍
 太原郝昭營陳倉城既成諸葛亮圍之亮使昭鄉人
 說之不下以數萬攻昭千餘人以雲梯衝車地道逼
 射昭昭以火射連石拒之亮不利而還今泃水對亮
 城是與昭相禦處也東坡石鼻城詩云北客初來試

新險蜀人從此送殘山施註武城鎮卽俗所謂石鼻寨也云孔明所築縣北卽陳倉山山上有寶鷄鳴祠水經注昔秦文公感伯道之言遊獵於陳倉遇之於此阪得若石焉其色如肝歸而寶祠之故曰陳寶其來也自東南輝煌四野聲震若雷野鷄皆鳴故曰鷄鳴神也列異傳陳倉人得異物道遇二童子曰此名爲媚媚乃言曰彼名陳寶得雄者王雌者霸逐之化爲雉秦文公大獵果獲其雌雄止南陽辛氏三秦記陳倉以山得名山有石鷄與山鷄不別趙高燒山山

鷄飛去而石鷄不去蓋玉鷄也縣東二里有泉散流山麓曰婆羅泉泉出山巔金碧觀張三丰所居也土窟猶存東卽石鼓山何景明雍大記石鼓山在寶鷄東二十里按石鼓周宣王獵碣也高二尺徑廣一尺有奇其數十其文籀其詞頌天子之田全文殘缺不可考可讀者惟我車旣攻我馬旣同其魚維何維鯉與鯉其橐維何維楊及柳數語與車攻詩意畧同初在陳倉野中韓吏部爲博士時請於祭酒欲輿致太學不從鄭餘慶始遷之鳳翔孔子廟五代之亂又復

散失宋司馬池知鳳翔復輦至府學門廡下而亡其一
一皇祐四年向傳師求于民間得之十鼓乃全其一
已剝爲日大觀中徙開封崇寧間蔡京作辟雍取十
鼓置講堂後辟雍廢徙置保和殿稽古閣詔以金填
其文以示貴重且絕摸搨之患靖康末金人得汴梁
奇玩悉輦至燕京石鼓亦在北徙之列後剔去其金
置王宣撫家大德末虞集爲大都教授得之泥土草
萊中始請移置國子學大成門內左右壁下自唐以
來蘇勗李嗣真張懷瓘竇泉竇蒙徐浩咸以爲史攬

筆蹟虞世南歐陽詢褚遂良皆有墨妙之稱杜甫八
分小篆歌敘歷代書亦厠之倉頡李斯之間其後韋
應物韓愈稱述爲尤詳歐陽永叔謂其字古而有法
其言與雅頌同文黃山谷謂筆法圭璋特達非後人
所能贗王弼州則稱其文詞深奧出入風雅第隋以
前未見紀錄至唐貞觀時始見吏部侍郎蘇勗紀事
自此稱述者日衆其後學者各執所見窺測古人遂
至紛如聚訟有謂周宣王之鼓者韓愈張懷瓘竇蒙
蘇軾是也謂爲文王之鼓至宣王時刻詩者韋應物

雲梯續和 卷二
也有謂秦氏之文者鄭樵楊慎是也有謂宣王之鼓而復疑之者歐陽修也謂宣王之鼓而信之者趙明誠也謂爲成王之鼓者程大昌董道是也復有謂字文周時作者司馬子卿是也石鼓之作于何代究不可攷然以文考之斷非秦以後物唐時諸公皆指爲宣王時作而韋應物又以爲文王時鼓宣王時刻言之如是之詳必有所據鄭樵作釋音摘殿番二字以爲見于秦斤秦權疑爲秦鼓不知小篆之作本于大篆殿番二字見于秦器固無害况番字從山取山高

奉番之義著在說文字體宜然非始于秦也歐陽修之疑謂其文歷千九百年而石刻未經磨滅其始既不收入雅頌漢以後博古之士又畧而不道隋世藏書最多獨無此刻亦似有理然碑刻之存亡係石質之美惡摹拓之多寡水火風雨之及與不及不可以年祀之久近論也至隋以前無稱述者由唐初始出耳金石遺文濶于瓦礫埋于泥沙更閱數世而始顯者不少三代彝器得于近歲儘有馬季長鄭康成所不知者不得以不稱于前人爲疑也謂成王之鼓者

以左傳有岐陽之蒐也獨偽劉司馬子卿以為字文
 周時作未免妄謬夫蘇勗唐貞觀時人去周不遠况
 其祖邛公綽用事于周政令典章皆出其手豈其賢
 子孫不知其為祖之所作反指為史籀之書乎此可
 不辨而自明者楊升菴丹鉛錄謂得唐人拓本凡六
 百五十七字係全文歐陽永叔集古錄云四百六十
 五字蓋已殘缺矣元至正間國子司業潘迪為音訓
 只存三百三十九字明永樂間鄒緝素集齋則云僅
 二百七十八字大抵歲月益深則磨滅益甚勢所必

至也今從升菴抄本檢出全文其在音釋朗然附錄
 于後俾攷古者得所折衷為之一快云其避本音吾一避讀作我
 車既王籀文避馬既同避車既攷古文避馬既馳與
 同君子鼎鼎籀文員道道通作鼎旂通作麇鹿速速
 君子出籀文求辭辭古文肉弓古及弓茲呂古文
 寺古文避毆其疇其來趨趨趨趨今作郎避
 即聘麇鹿趨趨其來大塗避毆其櫜與朴其來趨趨
 取古文其翮蜀通作○其汗毆古也沔沔與黍晨
籀文皮濤一作淵饒古文鯉處出君子澳古文卑滿
讀作彼濤一作淵饒古文鯉處出君子澳古文卑滿

瀉通作又通作奠古字其旂趨趨帛與古文驟驟其

籃同與蘊底氏古文鮮黃帛其鱗古文又鱗今作又錦與

同其胡孔戔古文蘇古文出夔夔洋趨趨其

負佳古文可古文佳鯁佳鯁可呂彙一作出佳楊及

柳古文○三田車孔一作安盤勒駢駢與六帶古文

師既簡左驂旂旂右驂驪驪避吕陵古作巧邊古原

避戎止一作世院古文宮車其寫秀通作弓等取麋豕

孔戔鹿鹿雉免其邊又牖一作其戎鐵鐵一作大車

出各通作亞古文獸白與古文避軌而勿取多戔戔

趨君子道一作樂○其帥古文辰鑿車樂敕真古文

如秀弓孔碩彤矢奕奕古鏃四馬其寫六纒古文沃

若徒古文駿一作孔戔廳古文騎寘籀文博崗通作

車輒古文術古文如徒如童邊溼古文陰陽趨趨六

馬馭出矻矻籀文又驅如虎獸鹿如眾古文台古文

邇多賢迪禽叢古文雉避免允異○其避來自東有

妻妻霑古零雨奔櫛古文途湧盈盈與溼同溼君子

既古避馬櫛汗汗與溼同淒古士駟古

駕言鹵古文遠籀文方一作舟古文自廳徒驥連連

佳古文月日衍或陰或陽極古文深日戶出亏水一

方魯徒遑一作止其奔避日且古文其直古文叟古文

事六其宣猷乍古文遑乍周衛古文追古文我古文

鞞籀文攸除帥及阪田莽或作為壘里希微微直

罔古文黍籀文柞械其拔機古文楷鬪鬪或云

庸鳴桀亞籀文其古文可為所旂籀文或作水

盞衛言古文釗古文與幽古文旨古文其古文徒避嘽嘽

歃而師旅 真歃會同又繹日左一有戎律弓矢

孔戾滔滔是戲古文叔夫寫矢一有具隻古文并古文

舉一作來或羣或友古文悉率左右燕樂

天子來嗣王始振復古文古我來攸止八

良歪古文躋躋馬字暫古文身知古文多戾微

我師氏憲憲文武可其一九其避水既與淨

衛通作既弓避行既止嘉釗里天子永寧變古文目

佳丙昌古文旭旭杲杲避其籀文衛棄馬既連鼓

憂古文瘞瘞古文駱古文四黃左驂駮駮右驂駮駮

戟吕奔古文女通作不輒籀文旛籀文鞞籀文霧古文霧古文不余及

旂旄旒公謂大來余及如茲邑周通作不余及

其吳古作人恣古文與與朝古文夕慙與惕惕

鹵飢北勿窳通作勿伐或作而出奇進獻古文用

特遘格甄與祖告于大祝禘嘗受古文致

其方甄寓逢中籀文孔戾鹿鹿遼溼既坦疆

理齠齠大田不搜古文君子可求又謀又始周爰止

于是右十章共六韓愈石鼓歌云張生手持石鼓

謫仙死才薄將奈石鼓何周網陵遲四海沸宣王憤

起揮天戈大開明堂受朝賀諸侯劔佩鳴相磨蒐于

岐陽聘雄俊萬里禽獸皆遮羅鐔功勒成告萬世鑿

石作鼓隳嗟峨從臣才藝咸第一揀選撰刻留山阿

兩淋日炙野火燎鬼物守護煩撝呵公從何處得紙

本毫髮盡備無差訛辭嚴義密讀難曉字體不類隸

與科年深豈免有缺畫快劍斫斷生蛟鬣翔鳳翥

衆仙下珊瑚碧樹交枝柯金繩鐵索鎖紐壯古鼎躍

水龍騰梭陋儒編詩不收入二雅編迫無委蛇孔子

西行不到秦倚撫星宿遺羲娥嗟予好古生苦晚對

此涕淚雙滂沱憶昔初蒙博士徵其年始改稱元和

故人從軍在右輔為我度量掘口科濯冠沐浴告祭

酒如從軍至寶存豈多毡包席裹可立致十鼓祇載數

駱駝薦諸太廟比部鼎光觀經鴻都尚填咽坐見舉

留太學諸生講解得切磋觀經鴻都尚填咽坐見舉

深簷與蓋覆歷久遠期無佗中朝大官老于事詎

肯感激徒媿埋沒六年西顧空吟戰罷無俗書拾

日銷月鑠就博白鷺繼周八代爭戰罷無人收拾

則那方今太平日無事柄任儒術崇印軻安能此

初以指畫壯欲讀嗟如籍在口韓公好古生已遲我
 今况又百年後強尋偏推點畫時得一遺入九
 鼎車既攻馬亦同其魚維鱗貫之柳古器縱橫猶能
 鼎眾星錯落僅名斗糶糊半已似癡賦詰曲猶能
 跟肘娟娟缺月隱雲霧濯濯嘉禾秀良莠漂流百戰
 偶然存獨憶昔周宣歌與雁上追軒頡相唯諾下揖
 斯同穀毅中興天為生耆者東征徐夙變蚘蚘虎北
 人方思聖賢象胥禱沓貢狼鹿方召聯闕賜圭
 伏犬戎隨指嗾象胥禱沓貢狼鹿方召聯闕賜圭
 遂因鼓聲思將帥登為考擊煩矇眛何人作頌比
 高萬古斯文齊响嘯勳勞至大不矜伐文武未遠
 忠厚欲尋年歲無甲乙豈有掃除蔡詩書誦法律
 更七國竟使秦人有九祖龍上蔡公子牽黃狗登山
 豆陳鞭扭當年何人無繼前無偶皆云皇帝巡四國烹
 刻石頌功烈後者無經既已委灰塵此鼓亦當遭擊
 滅強暴救黔首六經既已委灰塵此鼓亦當遭擊
 傳聞九鼎淪泗上欲使萬夫沉水取暴君縱欲窮人
 力神物義不汗秦垢是時石鼓何處避無乃天工令

鬼守興云百變物自閒富貴一朝名不朽細思物理
 坐嘆息人生安得如汝壽朱國祚石鼓歌云橋門左
 右獵碣十形如古礎相排連窪中或與蓋白似抱質
 可敵瑤琨堅傳聞書自太史籀比於大篆尤瑰妍其
 辭典奧麗二雅仿彷彿吉日車攻篇周京遺製衆所
 疑義莫定文成宣紛綸雖滋翟鄭議審視終異秦斤
 權下逮字文豈能爾薺堂所見毋乃偏嗚呼神物不
 易觀三代舊跡稀流傳巫咸告辭熊相詛裕陵寶惜
 今棄捐比干銘折衛州壤穆滿書徒壇山巔會稽窆
 石字茫昧响嶺秘跡文糾纏倚撫非乏好奇士千搜
 萬索無真詮詎若十鼓離復合陳倉入汴還留燕毡
 包席裏橐駝背塵蒙露濯蝸牛涎置諸太學始皇慶
 于今又歷二百年深簷五丈密蓋護不受長雨闌風
 顛我來摩挲輒終日證以郭薛施潘箋擬思斷桐來
 自蜀叩之定有聲淵淵文殘非因硬黃搨劃缺反撼
 鉤金填長廊無人起題壁回視落景棠梨懸王恪石
 鼓云當日岐陽獵火紅大書深刻配車攻奇文人嘗
 三蒼竝盈數天虧九鼎同歌託韓蕪參史筆辭趨秦

漢繫王風重搜殘白成
完壁千古輝煌太學中

按岐山縣西至鳳翔府四十里鳳翔西南至寶鷄
縣九十里係驛站大路因里數稍遠行人多取道
底店今就書傳所紀纂其大略俾往來驛站者得
按籍而稽焉秦蜀後記岐山西北行數里入山煙
村映帶微雨霖霖良苗懷新十里至周公廟廟門
婆羅樹二松樹三皆大逾數十圍入門有白楊一
亦千年物意卽蘓詩所咏也長楸夾道爛熳作花
入二重門古木蔭砌皆婆羅松柏楸樹之屬殿前

松一婆羅一高十餘丈大稱是謁元聖像左右夾
室祀名公太公殿後東北崖上爲姜嫄祠崖下方
塘潤德泉所出相傳此泉世治則盈亂則涸唐大
中時泉涌五派守臣崔珙畫圖上進宣宗賜諭褒
答今泉源澄碧出廟流爲小溪東西分二支灌溉
甚溥又云邠州亦有一泉此盈則彼涸廟中石刻
蘓詩金太和七年武義將軍行岐山縣尉署縣事
張忠弼置又一碑竝勒韓蘓二公詩明刻也沿西
溪望南山雲氣如層水積雪如海濤行十里次橫

水鎮水出山陽酈注之杜水也亦名大橫水抵鳳翔

府王士正鳳翔府云城邊汧渭兩交流隴蜀中分

第一州西雍橫當斜谷路南山高接杜陵秋蹉

鳴尚憶秦人霸王隕難銷漢相愁形鳳翔本禹貢

勢依然身萬里扶風歌罷拂吳鉤雍州之域顧棟高春秋大事表秦都雍今為陝西

鳳翔府治鳳翔縣史記德公元年初居雍城大鄭

宮時魯莊公十七年也至僖十三年輸粟于晉自

雍及絳杜註雍秦國都始見于春秋孔穎達曰周

初為召穆公采邑有召亭東遷時陷于戎平王賜

襄公岐以西之地曰能攻逐戎即有之至文公十

六年伐戎敗走遂收周餘民地至岐岐以東獻

之周鄭氏詩譜秦襄公橫有周西都畿內八百里

之地非是今縣南七里有古雍城秦德公所居大

鄭宮城也始皇平天下為內史地漢曰右扶風與

京兆左馮翊為三輔晉曰秦國後魏曰秦平西魏

曰岐陽隋曰岐州唐曰鳳翔曰西京五代曰關西

宋曰秦鳳金曰天興元曰鳳翔方輿紀要鳳翔居

四山之中五水之會隴關西阻益門南扼當關中

之心脊為長安之右輔周太王遷岐而肇基王迹

秦德公居雍而寢以盛強漢高自漢中出陳倉定三秦而帝業以成光武略定扶風遂以削平隴蜀在曹魏時扶風尤爲重鎮往往繕兵儲粟以阻巴蜀之口雖諸葛武侯之用兵不能越陳倉及郿而與魏爭自晉以後梁雍多事得失輕重恆在扶風迄南北朝之季要未有岐州被禍而關隴諸鎮得以晏然者唐天寶之禍鳳翔克全卒爲收復兩京之本肅宗因建西都與太原江陵竝爲陪輔又其時吐蕃恣橫薦食河隴保固西陲亦惟恃鳳翔歷

朱泚黃巢之亂鳳翔皆首撻賊鋒東收京邑南固蜀口唐之末也李茂貞實擅有岐州糾合叛帥肆其披猖朱溫乘之遂易唐祚然計關中諸鎮其後亡者亦惟茂貞耳王建以全蜀之力屢爭鳳翔而不得唐莊宗旣并鳳翔命將南下蜀遂以亡終五代之世凡兩川有事必先鳳翔豈非制馭梁益鳳翔爲縮轂之口歟南宋富平之敗鳳翔不保金人列屯置戍於此宋雖數戰卒不能越散關而北及蒙古入鳳翔東敗京兆而金危南窺漢中而宋亦

岌岌元末李思齊守鳳翔以拒蜀明師入關西向
 鳳翔思齊北走于是南收漢沔蜀人遂不能固其
 藩籬也說者謂繇隴坂而東至鳳翔則控京兆之
 咽喉繇大散而北出鳳翔則絕秦川之要脅若其
 西上秦隴守險隘以攻瑕擣虛南下梁洋席富饒
 以出奇制勝可耕可屯宜戰宜收規關中者此其
 先資也城南有鳳女臺水經注秦穆公時有蕭史
 者善吹簫能致白鶴孔雀穆公女弄玉好之公為
 作鳳臺以居之積數十年一旦隨鳳去云雍宮世

有簫管之聲焉

王士正鳳女臺云弄玉空祠鎖寂寥
 寥碧雲天際水迢迢丹青不畫乘

鸞女夜夜月
 明聞洞簫

凌虛臺在府東陳希亮知鳳翔時建

東坡有記東坡簽判鳳翔日作八觀詩石鼓今在
 太學詛楚文王右丞吳道子畫皆已不存惟東湖

無恙岐州水苦鹹濁獨此水味甘美多荷芰修竹

為郡中游觀之最

蘇軾詛楚文云崢嶸開元寺髣
 髴祈年觀舊築掃成空古碑埋

不爛詛書雖可讀字法嗟久換詞云秦嗣王敢使
 祝用瓚先君穆公世與楚約相捍質之于巫咸萬
 葉期不叛今其後嗣王乃敢構多難劊胎殺無罪
 親族遭圍紿計其所稱訴何啻桀紂亂吾聞古秦
 俗面詐背不汗豈惟公子功社鬼亦遭謾遼哉干
 載後發我一笑榮王維吳道子畫云何處訪吳畫

普門與開元開元有東嶺摩詰留手痕吾觀畫品
 中莫如二子尊道子實誰放浩如海波翻當其下
 手風雨快筆所未到氣已吞亭亭雙林間彩暈扶
 桑暎中有至人談寂寞悟者悲涕迷者手自捫蠻
 君鬼伯千萬萬相排競進頭如龍摩詰本詩老佩
 莊襲芳蕊今觀此壁畫亦若其詩清且敦祇園弟
 子盡鶴骨心如死灰不復溫門前兩叢竹雪節貫
 霜根交柯亂葉動無數一皆可尋其源吳生雖
 妙絕猶以畫工論摩詰得之于象外有如仙翻謝
 籠樊吾觀二子皆神俊又于維也歛衽無間言維
 摩像唐楊惠之塑在天柱寺云昔者子輿病且死
 其友子昶往問之跣躡鑿井自嘆息造物將安以
 我為今觀古塑維摩像骨磊嵬如枯龜乃知身
 人外生死已疲此叟神完中有恃談笑可知千熊
 雖未病心已疲此叟神完中有恃談笑可知千熊
 黑當其在時或問法俛首無言心自知至今遺像
 兀不語與昔未死無增虧田翁里婦那肯顧時有
 野鼠銜其髭見之使人每自失誰能與結無言師

真興寺閣云山川與城郭漠漠同一形市人與鴉
 鵲浩浩同一聲此閣幾年高何人之所營側身送
 落日引手攀飛星當年王中令斫木南山嶺寫真
 留閣下鐵面眼有稜身強入九尺與閣兩崢嶸古
 人雖暴恣作事今世驚登者尚呀喘作者何以勝
 曷不觀此閣何人勇且英李氏園云朝游北城東
 回首見修竹下有朱門家破牆圍古屋舉鞭叩其
 戶幽響答空谷入門所見數十步九移目異花兼
 四方野鳥喧百族其西引溪水活活轉牆曲東注
 入深林林深窗戶綠水光兼竹淨時有獨立鷓鴣
 中百尺松歲久蒼鱗蹙豈惟此地少意恐關中獨
 小橋過南浦夾道多喬木隱如城百雉挺若舟千
 斛陰陰日光淡黯黯秋氣蓄盡東為方池野雁雜
 家鶯紅梨驚合抱映島孤雲馥春光水溶漾雪陣
 風翻撲其北臨長谷波聲卷平陸北山臥可見蒼
 翠間澆禿我時來周覽問此誰所築云昔李將軍
 負險乘衰叔抽錢算閒口但未摧羹粥當時奪民
 田失業安敢哭誰家美園固籍沒不容贖此亭破

千家鬱鬱城之麓將軍竟何事
蠅蝨生刀鞬何嘗載美酒來此
駐車轂空使後世人聞名頸猶
縮我今官正閒屢至因休沐人
生營居止竟為何人卜何當辦
一身永與清景逐秦蜀後記

東湖在郡城東隅僅三畝許水
亭曰宛在其北堂

三楹曰喜雨亭有康熙中通判
韓北城重刻喜雨

亭記碑後為蘓公祠董新策鳳
翔東湖謁蘓文忠公祠至喜雨
亭次年友劉士

希韻二首云三輔名區古杜陽
東城東畔有湖鄉

一柳水落陂池瘦十畝園開草
木香春野翠雲仍

海島曉堤紅雨亦錢塘舊游坡
老風流在六百年

來不可忘文章氣節不須論祠
屋欣瞻此地存磨

蝸壓頭來渭北雪鴻畱瓜到周
原衣冠想像英年

盛俎豆明昭異代尊魚笋故鄉
公憶否湖亭酌酒

魂欲招萬歷中僉事張應福于
湖南作君子亭亭下

有蓮三畝竹萬竿見所自為記
中按坡在杭在頰

在惠皆有西湖故當時或獻詩
曰我公所至有西

湖唯岐稱東湖蘓軾東湖云
吾家蜀江上江水清如藍爾來
走塵土意思殊不堪况

當岐山下風物尤可慙有山禿
如赭有水濁如泔

不謂郡城東數步見湖潭入門
便清與况如夢西

南泉源從高來隨波走涵涵東
去觸重阜盡為湖

所貪但見蒼石螭開口吐清甘
借汝腹中過胡為

目眈眈新荷弄晚涼輕棹極幽
探飄飄忘遠近偃

息遺珮簪深有龜與魚淺有螺
與蚌曝晴復戲雨

戢戢多干垂浮沉無停餌倏忽
遽滿籃絲縉雖強

致瑣細安足戲聞昔周道與翠
鳳依孤嵐飛鳴飲

此水照影弄纒纒至今多梧桐
合抱如彭聃彩羽

無復見上有鶴搏鷁嗟予生雖
晚好古意所矧圖

書已漫漶猶復訪僑郊卷阿詩
可繼此意久已含

扶風古三輔政事豈汝諳聊為
湖上飲一縱醉後

談門前遠行客劫劫無留驂問胡不回首母乃趁
 朝參予今正踈懶官長幸見函不辭日游再行恐
 歲滿三暮歸仍倒載鐘鼓已歸歸王士正雨中武
 真菴督學招集東湖云行人衣上雨來自杜陽川
 湖似郎官好名因學士傳游儵爭暖雨垂柳欲生
 烟重過荷香裏還勞運酒船再集東湖拜東坡先
 生祠云復有東湖約來當春暮時涼風散高柳微
 雨洒清池自識龜魚樂何殊濠濮思仙翁去千載
 彷彿下訪秦穆公墓墓在城中東南隅已犁為田
 雲旗
 三輔黃圖云穆公冢在橐泉宮祈年觀下坡詩橐
 泉在城東墓在城中無百步乃知昔未有此城秦
 人以泉識公墓今橐泉亦不知所在惟嘉靖一碑
 僉事任惟賢撰文尚存蕪軾秦穆公墓云橐泉在
 城東墓在城中無百步乃

知昔未有此城秦人以泉識公墓昔公生不誅孟
 明豈有死之日而忍用其良乃知三子殉公意亦
 如齊之二子從田橫古人感一飯尚能殺其身今
 人不復見此等乃以所見疑古人古人不可望今
 人益可傷王士正秦穆公墓云雨霽陳倉曉日紅
 杖藜來訪橐泉宮千年斷碣荒烟裏一片殘春秀
 麥中黃鳥哀時良士盡碧雞飛去霸圖至普門寺
 空子車遺冢猶鄰近長與坑儒恨不窮
 訪吳道子畫無知者觀囁愁禪師長生語錄石刻
 歸過東湖謁東坡祠祠外一碑石理粗踈字頗漫
 漶諦視卽坡詩明太宰滁州胡公松光祿卿臨胸
 馮公惟納官監司時所刻也又四月初三日過西
 號古城陳倉古城祀鷄臺卽秦之陳寶祠也涉沂

水過蟠龍山故相國少傅黨公崇雅居此涉金陵水抵寶鷄縣治在陵原上市高于堞渭水遶其南汧與金陵二水南北異流相去二十里至寶鷄東南皆入于渭而酈注以一水卽金陵水自吳山北流合汧在隴糜縣古城之西非也按西號古城卽桃號城方輿紀要桃號城在縣東五十里古號君之支屬也史記秦昭公十一年滅小號卽此今有桃號二城相距十里一名桃號川唐廣德三年李抱玉討南山羣盜遣別將李崇客自洋州入大破

賊帥高玉于桃號川是也

雲木糸和

卷二

